

# UPM, Putrajaya jadi lokasi pilihan stadium ragbi kekal

PUTRAJAYA dan Universiti Putra Malaysia (UPM), Serdang dikenal pasti antara lokasi pembinaan sebuah stadium ragbi kekal bagi memastikan pemain negara mempunyai tempat latihan yang khusus sebelum menghadapi sesuatu kejohanan.

Menteri Belia dan Sukan, Khairy Jamaluddin Abu Bakar berkata, ke menteriannya dan Kesatuan Ragbi Malaysia (KRM) sedang mengadakan perbincangan lanjut mengenai kesesuaian tapak bagi tujuan itu.

“Setelah kita buat pertimbangan dan rundingan dengan tuan pu nyia tanah sama ada di UPM atau Perbadanan Putrajaya, maka bolehlah kita umumkan keputusan berkenaan iaitu dalam tempoh beberapa bulan lagi,” katanya selepas majlis pengumuman Larian Sukan Sea Kuala Lumpur 2017, semalam.

Khairy sebelum ini dilaporkan berkata, KBS bercadang membina stadium ragbi kekal bagi meng-



Khairy membuat gimik pelancaran pada sidang media mengenai Larian Sukan Sea 2017 di Lobi Sekretariat Majlis Sukan Negara (MSN) Bukit Jalil, semalam.

harga kejayaan Malaysia menjuarai Divisyen Satu Kejohanan Ragbi Asia di Bukit Kiara, tahun lepas.

Skuad negara ketika ini menjalani latihan sama ada di Padang UPM dan Padang Kelab Cobra di Petaling Jaya.

Dalam perkembangan sama, Khairy memaklumkan pihaknya sedang mengadakan rundingan agar Akademi Ragbi Antarabangsa New Zealand (IRANZ) membuka

cawangan di Malaysia, selain me wujudkan kerjasama antara juara dunia, All Blacks dari New Zealand dan KRM.

“Banyak perkara yang kita sedang usahakan selain daripada isu stadium dan kita akan terus usaha kan bersama KRM supaya segala perancangan yang saya kemuka kan ini akan menjadi kenyataan terutamanya kerjasama dengan IRANZ,” katanya.